

ZIENTZIA. Prosa Zientifikoaren gaineko Biltzarrean hainbat hizlari izango dira zapatua bitarte

Stephen Jay Gould zientziaz eta literaturaz ariko da Eibarren

Paleontologo estatubatuarrak hitzaldia eskainiko du gaur arrastian Armeria Eskolan



EGUNKARIA

Stephen Jay Gould zientzialari estatubatuarra Eibarren mintzatuko da.


Erredakzioa | DONOSTIA

Gaurtik zapatua bitarte natur zientziak, zientzia zehatzak eta teknologikoak komunikabideetan eta literaturan zelan azaltzen diren aztertuko dituzte Eibarren (Gipuzkoa) Prosa Zientifikoari buruzko Biltzarran. Bertan hainbat hizlarik hartuko dute parte, tartean Stephen Jay Gould zientzialari ezaguna.

Euskal Idazleen Elkarteak

(EIE) antolatu du Biltzarra, Elhuyar elkarte lagun duela, eta Eusko Jaurlaritzaren sostengua izango du. Hitzaldiak Eibarko Markeskoa Jauregian egingo dira zapatua bitarte, Stephen Jay Gouldena izan ezik; beronek Armeria Eskolan egingo du berba.

Prosa Zientifikoaren gaineko Biltzarraren helburua EIE elkarte esparru berrietara zabaltzea da. Jardunaldien aurkezpenean egitean —joan den azaroaren



EIE
Prosa zientifikoari buruzko biltzarra iragartzeko kartela.

26an— EIEko Komunikazio arduradun Ana Urkiaga honela mintzatu zen biltzarraren jomugaz: «Zergatik ez zientziaren gaia ukitu? Beste profil bat ere erakarri nahi dugu»; izan ere, arlo horretan dabiltzan idazleei ateak zabaltzea du gogo EIEk.

Stephen Jay Gould eboluzionista polemikoa

Biltzarra gaur hasiko da, arrastiko 16:00etan, eta hasiera ekitaldiaren ostean jardunaldietako izarrak hitz egingo du: Stephen Jay Gould paleontologo eta eboluzionista estatubatuarrak. Goulden hitzaldia irekia izango da, hots, edozein sartu ahal izango da berau entzutera. Armeria Eskolan egingo du berba zientzialari iparramerikarrak, eta *Zientziaz idaztea literatura al da?*

gaia landuko du. Gould oso ezaguna da biologiaren eta geologiaren alorrean, eta makina bat liburu idatzi ditu hainbat gai jorratuz. Charles Darwinen teoria eboluzionistak garatu eta aberastu egin ditu, eta zientzian ohikoa den legez lausengu eta kritika ugari ere jaso izan ditu.

Goulden ostean Joxe Ramon Etxebarría biologoa *Euskal prosa zientifikoaren historiaren inguruan* jardungo da. Markeskoa Jauregiko aretoa izango da bere hitzaldiaren lekuko. Jarraian, Joseba Tobarrek *Literatura zientifikoa eta sasizientifikoa* izango du hizpide, eta ondoren Luis Mari Bandres *Zientzia euskal komunikabideetan: hastapenak* gaiaz ariko da.

Bihar, ostera, Inaki Irazabalbeitia zientzia dibulgatzaileak zabalduko ditu hitzaldiak, *Zientzialariak eta kazetariak: amodioak eta desamodioak* gaia ardatz. Geroago, EGUNKARIAko kazetari Jakes Goikoetxeak *Zientzia gaien tratamendua Euskaldunon Egunkarian* lelopean eskainiko du bere hitzaldia. Berba egiten hurrengoa Pili Kaltzada izango da, *Erronka berriak eta eginahalak* mintzabide. Haren lekua Fernando Plazaolak, Eustakio Arrojeriak eta Alfonso Martinez Lizarduik hartuko dute zientzia aldizkariet hitz egiteko.

Eguna amaitzeko, Kepa Altónaga, Jesus Ugalde eta Iñaki Ugarteburu mintzatuko dira. *Saiakera zientifikoa idazteko abiapuntu bat; Euskarazko prosaren eta kimikaren arteko kimika eta Hizkera medikoaren zabal-kundea* izango dute ardatz, hurrenez hurren.

Azkenik, zapatuan Iban Zalduak, Andoni Sagarnak eta Arturo Elosegik jardungo dute.

LAGURAEAN



JESUS DIGES / EFE

Patarroyo, atzo Iruñean.

OSASUNA

Malariaren kontrako txertoen metodologia lortu dute Manuel Patarroyok eta EHUK

Manuel Elkin Patarroyo zientzialari kolonbiarra Euskal Herrian dabil egunotan. Atzo Iruñean eta Bilbon izan zen. Iruñean Unicefen *Umeen munduko egoera 2001* txostena aurkeztu zuen. Bestalde, Patarroyok Bilbon azaldu zuenez, berak eta Euskal Herriko Unibertsitateak metodologia bat ondu dute malariaren aurkako txertoak emateko. Kolonbiarraren hitzetan, «txista bakarra abantaila handia da, batetik bat osasun sistemarekiko harreman eskasa duten Afrikako herrialdeentzat». Txerto bakar hori, gainera, zeinahi gaitzen aitziz erabiltzen ahal dela zehaztu zuen.

INGURUMENA

2002ko lehen sei hilabeteetan Kyotoko Protokoloa berresteko prestu agertu da EB

Europako Batasuneko 15 herrialde kideetako Ingurumen ministroek atzo Bruselan esan zuten, Klima Aldaketaren gaineko Kyotoko Protokoloa berresteko dute daigun urteko lehen sei hilabeteetan. Horrela heldu den urteko irailean Johannesburgoko Goi Bileran etsenplua ematea lukete xede.

.....Interneten zuzenean

WWW.GURE-IRRATIA.COM

Gure Irratia
106.6 - 90.5 FM

